

Masfjorden kommune
Austfjordvegen 2724
5981 MASFJORDNESDato: 21.03.2017
Vår ref.: 2017/2584-3
Saksbehandlar: Endre Korsøen
Telefon: 917 64 632


Engesund Fiskeoppdrett AS org. nr. 944819967 - Søknad om løyve til utviding av anlegg for oppdrett av matfisk av laks og aure på lokalitet 34657 Laberget i Masfjorden kommune

Hordaland fylkeskommune sender kopi av søknad motteke 17.03.2017 frå Engesund Fiskeoppdrett AS om løyve til utviding av anlegg for oppdrett av matfisk av laks og aure på lokalitet 34657 Laberget i Masfjorden kommune.

Lokalitet 34657 Laberget vart klarert for etablering av eit anlegg med ein maksimalt tillaten biomasse på 780 tonn den 22.09.2014. Lokaliteten har vorte i drift sidan mars 2016. Anlegget består av eit stålanlegg med 2 stk bur med innermåla 40 x 40 m, og dei ligg på ei rekkje ut frå land. Senterpunkt for anlegget ligg ca 230 m frå land mot sørsørvest. Ein fôrflåte er fortøyd om lag 10 m frå anlegget sin kort ende mot nordnordaust. Noverande merdanlegg inklusiv fôrflåten er klarert for omlag 8 dekar overflate areal.

Selskapet søker no om å få klarert areal for utlegging av 4 stykk 160 meter plastringar, samt ein fôrflåte i nordraustre del av anlegget. Kartet under syner omsøkt arealendring for lokaliteten. Ny plassering og ny type produksjonseiningar medfører at det vert endringar i fortøyingssarrangementet. Samla overflate areal for anlegget vil vera omlag 45 dekar.

Det vert søkt om å auke maksimalt tillaten biomasse i anlegget frå 780 tonn til 2340 tonn. Lokaliteten er klarert for eit kommersielt akvakulturløyve, og vert i tillegg omsøkt for eit visningsløyve og eit grønt løyve gruppe C. Det grønne løyve er pr. no klarert for lokalitet Ådnekvamme i Masfjorden. Denne lokaliteten er mellombels, og verksemda vil etablere seg med større lokalitetsbiomasse på Laberget som erstatning for lokalitet Ådnekvamme.



I kommuneplan for Masfjorden vedteke 31.05.2012 er omsøkt område avsett til akvakultur, og i føresegnene til planen er det høve til å leggje fortøyingar og anker i fleirbruksområde utafor område sett av til akvakultur.

Lokaliteten har vorte i drift sidan mars 2016, og første ordinære B-gransking vil bli gjennomført i nær framtid. Rapport kan ettersendast om naudsynt. I tillegg har fylkesmannen set krav i gjeldande utsleppsløyve om at verksemda utfører resipientundersøking med MOM C etter 6 år i drift. Rådgivende Biologer AS har på vegne av Engesund Fiskeoppdrett AS målt oksygeninnhaldet i djupvatnet i Austfjorden ved Ådnøy. Oksygenmålingane frå 2016 og hittil i 2017 i Austfjorden syner god oksygenmetting i heile vassøyla ned mot botnen der alle verdiar tilsvarar tilstandsklasse I= «svært god».

Samla konsekvensar ved utviding av anlegget er gjennomgått i vedlagt rapport frå Rådgivende Biologer AS. Denne gjennomgangen sannsynleggjer at utviding av eit anlegg ved Laberget for oppdrett av laksefisk ikkje vil gje negative verknader for naturmiljøet, biomangfaldet, naturressursar og samfunnsinteresser ut over det som må påreknast som akseptabelt ved utviding av eit anlegg. Vi gjer merksam på at ny versjon av kapitelet plassering av omsøkt anlegg ligg i eige vedlegg.

Tiltaket fell inn under vedlegg II i forskrift om konsekvensutgreiingar for tiltak etter sektorlover (FOR 2014-12-19-1758). Søknaden skal då handsamast etter § 3 i forskrifta. Såkalte vedlegg II-tiltak kan berre påleggast «supplerande utregreingar» dersom det er venta at tiltaket vil få vesentlege verknader som ikkje allereie er gjort greie for i søknaden.

Fylkeskommunen si vurdering er at miljødokumentasjonen i søknaden gir godt nok grunnlag for å vurdere om tiltaket får vesentleg verknad for miljø og samfunn, jf. vedlegg III i forskrifta. Dersom berørte partar meiner tiltaket kan få vesentlege verknader, og desse verknadane ikkje allereie er tilfredsstillande gjort greie for i søknaden, må dette meldast til fylkeskommunen innan 4 veker etter kunngjøring. Vi minner om at det er fagmyndigheitene for dei respektive kriteria i vedlegg III som skal vurdere om dei meiner tiltaket kan få vesentlege verknader innanfor sitt område og eventuelt melde dette inn til fylkeskommunen. Det skal konkretiserast kva forhold som bør utgreiast nærmare.

Hordaland fylkeskommune ber om at Masfjorden kommune vurderer søknaden, samt legg søknaden ut til offentleg ettersyn, i samråd med søkjar, i ein periode på 4 veker. Søknaden skal i denne samanheng annonserast i Norsk Lysingsblad og to aviser som er vanleg lest i området (jf. *Forskrift av 22.12.2004 nr. 1798 om tillatelse til akvakultur for laks, ørret og regnbueørret § 8*). Faktura for annonseutgifter kan sendast til søkjar.

Eventuelle merknader frå offentleg ettersyn og kommunen si handsaming av saka ber ein om vert send til Hordaland fylkeskommune snarast råd (jf. *Forskrift om samordning og tidsfristar i handsaming av akvakultursøknader § 4*).

Dersom noko er uklart i samband med handsaming av søknaden, ber vi om at De tek kontakt.

Endre Korsøen
seniorrådgjevar

Brevet er godkjent elektronisk og har derfor inga underskrift.

Kopi: Engesund Fiskeoppdrett AS